

[0568]

85. *bras*

bras 'bliid, op it skik mei, op 't snjit mei, greatsk op' sil wol gearhingje mei mnd. *bras* 'lawaei, pronk, sier, staesje' (A. Lasch - C. Borchling, *Mittelnieder-deutsches Handwörterbuch I*, 342).

Germaensk **bras-* wie, sa't it liket, in wurd foar 'lawaei', dat wy kinne by Frysk *bras* it bêste fan 'e grounbitsjutting 'útlitten, út 'e skroeven, optein' útgean. Fierders binne dêroan bisibbe nijnoarsk *bras* 'it knetterjen, knapperjen, knisterjen', nijislânsk *brass*, adj. 'geil, weelderich, gysten' (A. Jóhannesson, *Isl. etym. Wb.* 641), nijjiisl. *brass* n. 'astrantens, bretalens', ags. *prass* 'preal' en allyksa de wurdkloft fan mnd. *brassen* . 'oangean, sûpe en sette' , nnl. *brassen*. 'bealgje', sweedsk (dial.) *brassa* 'fûl derop ynrame, swé slaen', nhd. *'brassen* 'gastje en brasje'.

De ydg. stamme, dy't yn al dy wurden sit, is **bhres-*, 'bersten, brechen, krachen, prasseln' (J. Pokorny, *Idg. etym. Wb.* 169). Nou sjogge wy earst, dat it adj. *bras* neije famylje fan it tiidwurd *'barste'* (!) is, hwant âhd.

brestan 'barste, brekke', âsaks. *brestan*, ânoarsk *bresta* 'barste, kreakje', ags. *berstan*, ning. *burst*, nnl. *barsten*, âfrysk *bersta*, nfrysk *barste* wurde ek ûnder ydg. **bhres-* biflapt.